

24.11.05.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON

OPĆINSKI SUD U KALESIJI
Broj: K – 62/05
Kalesija, 11.11.2005. godine

U ime Federacije Bosne i Hercegovine!

Općinski sud u Kalesiji postupajući po sudiji Šehić Muneveri kao sudiji pojedincu, uz sudjelovanje Huremović Mine, kao zapisničara, u krivičnom predmetu protiv optuženih Sinanović Senada i Sinanović Mirsada iz Miljanovaca, općina Kalesija, zbog krivičnog djela – Nasilničko ponašanje – iz čl. 362. st. 1. u vezi sa čl. 31. Krivičnog zakona Federacije Bosne i Hercegovine, odlučujući po potvrđenoj Optužnici Kantonalnog tužilaštva TK Tuzla broj:Ku-1851/04 od 20.04.2005. godine, nakon održanog glavnog, usmenog i javnog pretresa održanog dana 08.11.2005. godine, donio je i javno objavio u odsutnosti uredno obavještenih optuženih Sinanović Senada i Sinanović Mirsada, branioca optuženog Sinanović Mirsada advokata Šehić Šeha i tužitelja Kantonalnog tužilaštva TK Tuzla Šarić Nizama, dana 11.11.2005. godine sljedeću,

P R E S U D U

I-optuženi: Sinanović Senad, sin Avde i majke Dervo z. Kurtić, rođen 28.09.1970. godine u Miljanovcima, općina Kalesija, gdje je i nastanjen, imalac JMB 2809970182218, Bošnjak, Državljanin BiH, pismen, po zanimanju NK radnik, završio OŠ, oženjen, otac jednog djeteta, nezaposlen, bez imovine, živi u kući svog djeda, ima auto, vojnu obavezu regulisao, vodi se u vojnoj evidenciji Odjeljenja odbrane Kalesija, neosuđivan, ne vodi se postupak protiv njega,

II-optuženi: Sinanović Mirsad, sin Avde i majke Dervo z. Kurtić, rođen 11.07.1968. godine u Miljanovcima, općina Kalesija, gdje je i nastanjen, imalac JMB 1107968182210, Bošnjak, Državljanin BiH, pismen, po zanimanju mesar, oženjen, otac troje djece, zaposlen, dobrog imovnog stanja, ima primanja oko 300 KM mjesečno, RVI 40%, vojnu obavezu regulisao, vodi se u vojnoj evidenciji odjeljenja odbrane Kalesija, neosuđivan, ne vodi se drugi krivični postupak protiv njega, nalazi se na slobodi.

OPTUŽENI: Sinanović Senad

K r i v i j e

Što je:

Dana 23.08.2004. godine u Miljanovcima, općina Kalesija, došao do kuće Imamović Fadila koga je izazivao na tuču, nakon čega je metalnom šipkom oštetio metalnu ogradu dvorišta,

a nakon toga kamenjen i drvenim motkama oštetio fasadu te kuće, slivnik, zaštitnu PVC mrežu na terasi, te razbio nekoliko crijepova,

dakle, osobito drskim ponašanjem ugrožavao građanski mir,

čime je, počinio krivično djelo - Nasilničko ponašanje - iz čl. 362. st. 1. Krivičnog zakona Federacije Bosne i Hercegovine, pa mu Sud na osnovu navedenih zakonskih odredbi i uz primjenu odredaba članova 49. stav 1., 60. i 62. Krivičnog zakona Federacije Bosne i Hercegovine **izriče**

U v j e t n u o s u d u

Kojom optuženom **Sinanović Senadu** utvrđuje kaznu zatvora u trajanju od 3 (tri) mjeseca, s tim što se utvrđena kazna zatvora neće izvršiti ukoliko optuženi u roku od 1 (jedne) godine računajući od dana pravomoćnosti ove presude, ne počini novo krivično djelo.

Optuženi se obavezuje da naknadi troškove krivičnog postupka - sudski paušal u iznosu od 30,00 KM po pravosnažnosti presude pod prijetnjom prinudnog izvršenja.

OPTUŽENI: Sinanović Mirsad

Na osnovu čl. 299. st. 1. tač. c. Zakona o krivičnom postupku Federacije BiH

OSLOBAĐA SE OD OPTUŽBE

Da je:

Dana 23.08.2004. godine u Miljanovcima, općina Kalesija, po zajedničkom dogovoru došli do kuće Imamović Fadila koga su izazivali na tuču, nakon čega su metalnom šipkom oštetili metalnu ogradu dvorišta, a nakon toga kamenjen i drvenim motkama oštetili fasadu te kuće, te slivnik, zaštitnu PVC mrežu na terasi, kao što su i razbio nekoliko crijepova,

čime bi, kao saizvršilac počinio krivično djelo – Nasilničko ponašanje – iz čl. 362. st.1. u vezi sa članom 31. Krivičnog zakona Federacije Bosne i Hercegovine.

O b r a z l o ž e n j e

Kantonalno tužilaštvo Tuzlanskog kantona u Tuzli je podiglo optužnicu broj:Kt-1851/04 od 20.04.2005. godine, protiv Sinanović Senada i Sinanović Mirsada iz Miljanovaca, općina Kalesija, zbog krivičnog djela - Nasilničko ponašanje - iz čl. 362. st.1. u vezi sa čl. 31. Krivičnog zakona Bosne i Hercegovine.

Do završetka glavnog pretresa tužitelj Kantonalnog tužilaštva TK Tuzla ostao je kod podignute optužnice i zatražio da sud optužene proglasi krivim i osudi na novčane kazne koje su predložene u optužnici.